



醫宗金鑑



上海錦華書局出版




醫宗金鑑卷四

內科

編輯運氣要訣

經曰夫五運陰陽者天地之道也萬物之綱紀變化之父母生殺之本始神明之府也可不通乎又曰治不法天之紀此之理則災害至矣又曰不知年之所加氣之盛衰虛實之所起不可以為工矣由是觀之不知運氣而為醫欲其無失者鮮矣茲將內經運氣要語編成歌訣并列圖於前使學者一覽即明其大綱旨要之所在然後徧求全經精義庶乎有得云

太虛圖



太虛者太極也太極本無極故名曰太虛素問天元紀大論曰太虛寥廓肇基化元萬物資始五運終天布氣真靈總統坤元九星懸朗七曜周旋曰陰曰陽曰柔曰剛幽顯既位寒暑弛張生生化化品物咸亨

陰陽圖



來知德易經註曰對待者數流行者氣主宰者理即此三句而天地萬物無不包括其中矣

太虛理氣天地陰陽歌

無極太虛氣中理。太極太虛理中氣。乘氣動靜生陰陽。陰陽之分爲天地。未有天地氣生形。已有天地形寓氣。從形究氣曰陰陽。卽氣觀理曰太極。【註】大者極其至大之謂也。虛者空虛無物之謂也。蓋極大極虛。無聲無臭之中。具有極大極至之理氣焉。理氣未分而混沌者。太虛也。太虛曰無極者。是主太虛流行之氣中主宰之理而言也。太虛曰太極者。是主太虛主宰之理中流行之氣而言也。故周子曰。無極而太極者。亦是以極無而推極有也。蓋極無中無是而非理。極有中無是而非氣。不以極無之理。而推極有之氣。何以知有是氣也。不以極有之氣。而推極無之理。何以知有是理也。是則可知理氣以其分殊而言之二也。以其渾合而言之。一也。有是理則有是氣。有是氣則有是理。名雖有二。其實則一本。無有無一二先後之可言也。乘氣動靜生陰陽者。謂太極乘氣機之動而生陽。乘氣機之靜而生陰。卽周子曰。太極動而生陽。靜而生陰之謂也。然不曰無極動而生陽。靜而生陰。而曰太極動而生陽。靜而生陰者。蓋以無極專主乎理。言理無動靜故也。太極兼主乎氣。言氣有動靜故也。陰陽之分爲天地者。謂陰陽流行相生不已。積陽之清者爲天。積陰之濁者爲地。故周子曰。分陰分陽。兩儀立焉也。未有天地氣生形者。謂未有天地。惟太虛中之一氣。化生天地之形也。已有天地形寓氣者。謂已有天地。而太虛之氣卽已寓於天地之形也。是以天得之。以資萬物之始。地得之。以資萬物之生也。從形究氣曰陰陽者。陰陽卽理中流行之氣也。卽氣觀理曰太極者。太極卽氣中主宰之理也。故周子曰。陰陽一太極者。是指氣之極者而言也。太極本無極者。是指理之極者而言也。【按】吳澄曰。太極無動靜。動靜者氣機也。是以太極專主乎理言也。朱子曰。太極之有動靜。是天命之流行也。是以太極兼主乎氣言也。又曰。太虛者本然之妙也。動靜者所乘之機也。本然之妙卽太極。指其本然主宰。是動是靜之妙之理也。所乘之機卽動靜。指其天命流行。乘動乘靜之機之氣也。當依朱子爲是。

五行質氣生尅制化歌

五 行 圖



五 行 生 剋 制 化 圖



天地陰陽生五行各一其質各一氣質具於地氣行天五行順布四時序木火土金水相生木土水火金剋制亢害承制制生化生生化化萬物立〔註〕天地既立而陰陽即在天地之中陽動而變陰靜而合生五行也天一生水地六成之地二生火天七成之天三生木地八成之地四生金天九成之天五生土地十成之是五行各一其質也東方生木木之氣風南方生火火之氣熱中央生土土之氣溼西方生金金之氣燥北方生水水之氣寒是五行各一其氣也在地曰木在天曰風在地曰火在天曰熱在地曰土在天曰溼在地曰金在天曰燥在地曰水在天曰寒是五行質具於地氣行於天也木位東方風氣布春火位南方熱氣布夏土位中央四維溼氣布長夏金位西方燥氣布秋水位北方寒氣布冬是五氣順布四時之序也即周子曰陽變陰合而生水火木金土五氣順布四時行焉木生火火生土土生金金生水水復生木是五行相生主生蕃萬物者也木剋土土剋水水剋火火剋金金剋木木復剋土是五行相剋主殺害萬物者也相剋則死相制則生木亢害土土亢害水水亢害火火亢害金金亢害木此剋其所勝者也然我之所勝之子即我之所不勝者也我畏彼子出救母害不敢妄行承受迺制制則生化則各恆其

德而生化萬物無不具也。假如木亢太過，土受害矣。是我勝其我之所勝者也。土之子金承而制焉，則我畏我之所不勝，自然承受迺制，制則生化矣。火亢太過，金受制矣。金之子水承而制焉，土亢太過，水受制矣。水之子木承而制焉。金亢太過，木受制矣。木之子火承而制焉。水亢太過，火受制矣。火之子土承而制焉。五行皆若此也。此所以相生而不害，相制而不尅也。而生生化化，萬物立命之道，即在於是矣。此五行生尅制化之理，不可不知者也。

運氣合臟腑十二經絡歌

圖絡經二十腑臟合運五



圖絡經二十腑臟合氣六



醫明陰陽五行理，始曉天時民病情。五運五行五氣化，六氣天地陰陽生。火分君相氣熱暑，爲合人之臟腑經。天干起運地支氣，天五地六節制成。〔註〕學醫業者，必要明天地陰陽五行之理，始曉天時之和不和，民之生病之情由也。人皆知五運化自五行五質五氣也，而不知六氣化自天地陰陽六質六氣也。六質者，即經曰木火土金水火地之陰陽也。生長收藏下應之也。六氣者，即經曰風暑溼燥寒火天之陰陽也。三陰三陽上奉之也。是以在地之火

分爲君火相火在天之氣分爲熱氣暑氣爲合人之五藏六腑包絡十二經也。天干陰陽合而爲五。故主五運。甲化陽土。合人之胃。己化陰土。合人之脾。乙化陰金。合人之肺。庚化陽金。合人大腸。丙化陽水。合人膀胱。辛化陰水。合人之腎。丁化陰木。合人之肝。壬化陽木。合人之膽。戊化陽火。合人小腸。癸化陰火。合人之心。相火屬陽者。合人三焦。相火屬陰者。合人包絡。此天干合人之五臟六腑十二經也。地支陰陽合而爲六。故主六氣。子午主少陰君火。合人之心與小腸也。丑未主太陰溼土。合人之脾與胃也。寅申主少陽相火。合人之三焦包絡也。卯酉主太陽明燥金。合人之肺與大腸也。辰戌主太陽寒水。合人之膀胱與腎也。巳亥主厥陰風木。合人之肝與膽也。此地支之合人之五臟六腑十二經也。天數五而五陰五陽。故爲十干。地數六而六陰六陽。故爲十二支。天干之五。必得地支之六以爲節。地支之六。必得天干之五以爲制。而後六甲成。歲氣備。故一歲中運。以七十二日五位分主之。六氣以六十日六步分主之也。【按】十二經天干歌內云。甲膽乙肝丙小腸。丁心戊胃己脾鄉。庚屬大腸辛屬肺。壬屬膀胱癸腎藏。三焦亦向壬中寄。包絡同歸入癸方。此以方位言天干所屬。配合臟腑。歲歲之常也。今以五運言天干所化。配合臟腑。年年之變。所以不同也。十二經地支歌內云。肺寅大卯胃辰宮。脾巳心午小未中。申胱酉腎心包戌。亥焦子膽丑肝通。此之變。所以不同也。以流行言地支所屬。配合臟腑。日日之常也。今以六氣言地支所化。配合臟腑。年年之變。所以不同也。讀者審之。

主運歌

五運五行御五位。五氣相生順令行。此是常。今年不易。然有相得或逆從。運有太過不及。理人有虛實寒熱情。天時不和萬物病。民病合人臟腑生。【註】主運者。主運行四時之常令也。五行者。木火土金水也。五位者。東南中西北也。五氣者。風暑溼燥寒也。木御東方風氣。順布春令。是初之運也。火御南方暑氣。順布夏令。是二之運也。土御中央四維溼氣。順布長夏之令。是三之運也。金御西方燥氣。順布秋令。是四之運也。水御北方寒氣。順布冬令。是五之運也。此是天以五爲制。分五方主之。五運五氣相生。四時常令。年年相仍而不易也。然其中之氣化。有相得或不相得。或

從天氣或逆天氣或從天氣而逆地氣或逆天氣而從地氣故運有太過不及四時不和之理人有臟腑經絡虛實寒熱不同之情始召外邪令化而生病也天時不和萬物皆病而為民病者亦必因其人臟腑不和而生也

主氣歌

主氣六位同主運顯明之右君位知退行一步相

主氣圖



主運圖



火治復行一步土治之復行一步金氣治復行一步水治之復行一步木氣治復行一步君治之【註】主氣者厥陰風木主春初之氣也少陰君火主夏二之氣也少陽相火主盛夏三之氣也太陰溼土主長夏四之氣也陽明燥金主秋五之氣也太陽寒水主冬六之氣也此是地以六為節分六位主之六氣相生同主運五氣相生四時之常令也顯明者正南之位當君位也而君火不在位治之反退位於次以相火代君火司化則當知即經云少陰不司氣化之義也正南客氣司天之位也司天之右天之右間位也在主氣為二之氣位是少陰君火之位主行夏令之氣也故曰顯明之右君火之位也君火之右退行一步乃客氣司天之位也在主氣為三之氣位是少陽相火之位主行盛夏之令之氣也不曰復行而曰退行者以臣對君之面承命司化不敢背行故曰退行一步即復行一步也復行一步土氣治之乃客氣天之左間位也在主氣為四之氣位是太陰溼土之位主行長夏令之氣也復行一步金氣治之乃客氣地之右間位也在

主氣爲五之氣位是陽明燥金之位主行秋令之氣也復行一步水氣治之乃客氣在泉之位也在主氣爲六之氣位是太陽寒水之位主行冬令之氣也復行一步木氣治之乃客氣地之左間位也在主氣爲初之氣位是厥陰風木之位主行春令之氣也復行一步君火治之即前君火之位治之也。

客運歌

客運圖




五天蒼丹齡玄素天氣天干合化臨甲己化土丙辛水丁壬化木乙庚金戊癸化火五客運起以中運相生輪陰少乙丁己辛癸陽太甲丙戊庚壬【註】五天者蒼天之色青者也丹天天之色赤者也齡天天之色黃者也玄天天之色黑者也素天天之色白者也天氣者蒼天之氣木也丹天之氣火也齡天之氣土也玄天之氣水也素天之氣金也天干者甲乙丙丁戊己庚辛壬癸也古聖仰觀五天五氣蒼天木氣下臨丁壬之方故識丁壬合化而生木運也丹天火氣下臨戊癸之方故識戊癸合化而生火運也齡天土氣下臨甲己之方故識甲己合化而生土運也玄天水氣下臨丙辛之方故識丙辛合化而生水運也素天金氣下臨乙庚之方故識乙庚合化而生金運也此天氣天干合化加臨主運五位之客運也起以所化統主本年中運爲初運五行相生以次輪取如甲己之年土運統之起初運土生金爲二運金生水爲三運水生木爲四運木生火爲五運餘四運皆倣土運起之乙丁己辛癸屬陰干爲五陰年主五少不及之運甲丙戊庚壬屬陽干爲五陽年主五太太過之運也。

客氣司天在泉間氣圖

子午少陰君火天陽明燥金應在泉丑未太陰太陽治寅申少陽厥陰聯卯酉却與子午倒辰戌巳亥亦皆然每歲

客氣司天在泉間氣圖



天泉四間氣上下分統各半年【註】天干起運地支起氣此言地之陰陽正化對化加臨主氣六位之客氣也如子午之歲少陰君火治之起司天也陽明燥金在下起在泉也氣由下而升上故以在下之陽明起之陽明二陽二陽生三陽三陽太陽故太陽寒水為客初氣即地之左間也三陽陽極生一陰一陰厥陰故厥陰為客二氣即天之右間也一陰生二陰二陰少陰故少陰為客三氣即司天之氣也二陰生三陰三陰太陰故太陰為客四氣即天之左間也三陰陰極生一陽一陽少陽故少陽為客五氣及地之右間也一陽生二陽二陽陽明故陽明為客六氣即在泉之氣也丑未寅申之歲皆倣此法起之卯酉

却與子午倒換辰戌却與丑未倒換巳亥却與寅申倒換謂卯酉之歲陽明燥金司天少陰君火在泉彼此倒換也每歲司天在泉左右四間氣者陽寒水司天太陰濕土在泉巳亥之歲厥陰風木司天少陽相火在泉彼此倒換也

運氣分主節令歌

即六氣分統上下本年司天統主上半年在泉統主下半年之統氣也

五運節令圖



六氣節令圖



大立雨驚春清穀立滿芒夏小大暑立處白秋寒霜立小大冬小從頭數初大二春十三日三運芒種十日甫四運處暑後七日五運立冬四日主〔註〕天以六為節謂以二十四氣六分之為六氣之六步也地以五為制謂以二十四氣五分之為五運之五位也二十四氣即大寒立春雨水驚蟄主初之氣也春分清明穀雨立夏主二之氣也小滿芒種夏至小暑主三之氣也大暑立秋處暑白露主四之氣也秋分寒露霜降立冬主五之氣也小雪大雪冬至小寒主終之氣也此主氣客氣分主六步之時也大寒起至春分後十二日主初運也春分十三日起至芒種後九日主二運也芒種十日起至處暑後六日主三運也處暑七日起至立冬後三日主四運也立冬四日起至小寒末日主五運也此主運客運分主五位之時也

五音主客太少相生歌

主運角徵宮商羽五音太少中運取如逢太徵太商年必是少角少宮羽若逢太角宮羽年必是少商與少徵以客取主太少生以主定客重角羽〔註〕主運之音必始角而終羽者乃五音分主四時順布之常序也然陽年為太陰年為少者是五音四時太過不及之變化也如逢戊年太徵庚年太商之年則主運初運必是少角二運則是太徵

五音太少相生圖



五運齊化兼化六氣正化對化歌

五運齊化兼化圖



六氣正化對化圖



正司化之實對司化之虛

三運必是少宮，四運則是太商，終運必是少逢也。若羽，千年太角，甲年太宮，丙年太羽之年，則主運初運則是太角，二運必是少徵，三運則是太宮，四運必是少商，終運則是太羽也。故曰：太少皆以中運取，此是以客之中運取主之五運，太少相生之義也。又以主之太少定客之五運，太少相重之法，以發明相加相臨，太過不及之理也。

運過勝己畏齊化不及乘衰勝己兼太過被尅不及助皆為正化是平年氣寅午未酉戌亥正司化令有餘看子丑

寅卯巳申歲對司令不足言〔註〕五運之中運統王一年之運也中運太過則旺勝己者則畏其威反齊其化矣如太宮土運反齊木化太角木運反齊金化太商金運反齊火化太徵火運反齊水化太羽水運反齊土化也卽經所謂畏其旺反同其化薄其所不勝也中運不及則弱勝己者則乘其衰來兼其化矣如少宮土運水來兼化少角木運金來兼化少商金運火來兼化少徵火運水來兼化少羽水運土來兼化卽經所謂乘其弱來同其化所不勝薄之也中運戊辰陽年火運太過遇寒水司天則爲太過被制中運乙卯陰年金運不及遇燥金司天則爲同氣中運辛卯陰年水運不及則爲相生俱爲不及得助凡遇此類皆爲正化和平之年也氣者六氣之客氣統一歲之司化之氣也如厥陰司己亥以厥陰屬木木生於亥故正化於亥對化於巳也少陰司子午以少陰爲君火當正南離位故正化於午對化於子也太陰司丑未以太陰屬土居中王於西南未宮故正化於未對化於丑也少陽司寅申以少陽屬相火位卑於君火火生於寅故正化於寅對化於申也陽明司卯酉以陽明屬金酉爲西方金位故正化於酉對化於卯也太陽司辰戌以太陽爲水辰戌屬土然水行土中而戌居西北屬水漸王之鄉是以洪範五行以戌屬水故正化於戌對化於辰也是以寅午未酉戌亥爲正化正化者令之實主有餘也子丑卯辰巳申爲對化對化者令之虛主不足也

六十年運氣上下相臨歌

客運中運主一歲客氣天泉主半年氣生中運曰順化運被氣尅天刑言運生天氣乃小逆運尅司天不和愆氣運相同天符歲另有天符歲會參〔註〕客運之初運卽統主一歲之中運也經曰甲己之歲土運統之云云者是也客氣司天之三氣六氣卽統主上半年在泉統主下半年之氣也經曰歲半以前天氣主之歲半以後地氣主之者是也六十年中運氣上下臨遇則有相得不相得者也氣生中運者謂司天生中運也如癸巳癸亥木生火也甲子甲午甲寅甲申火生土也乙丑乙未土生金也辛卯辛酉金生水也壬辰壬戌水生木也六十年中有此十二年天氣

十六年運氣上下相臨圖




下尅上故名不和亦為不相得而主病甚也氣運相同者如運氣皆木丁巳丁亥運氣皆火戊子戊午戊寅戊申運氣皆土己丑己未運氣皆金乙卯乙酉運氣皆水丙辰丙戌六十年中有此十二年運氣相同皆天符也雖曰同氣不無偏勝亢害焉其太乙天符歲會等年另詳於後

起主客定位指掌歌

掌中指上客司天中指根紋定在泉順進食指初二位四指四五位推傳司天即是三氣位在泉六氣位當然主以木火土金水客以陰陽一二三【註】左手仰掌以中指上頭定司天之位中指根紋定在泉之位順進食指三節紋

生運以上生下故名順化為相得之歲也運被氣尅者謂司天尅中運也如己巳己亥木尅土也辛丑辛未土尅水也戊辰戊戌水尅火也庚子庚午庚寅庚申火尅金也丁卯丁酉金尅木也六十年中有此十二年天氣尅運以上尅下故名天刑為不相得之歲也運生天氣者謂中運生司天也如癸丑癸未火生土也壬子壬午壬寅壬申木生火也辛巳辛亥水生木也庚辰庚戌庚申庚子金生水也己卯己酉土生金也六十年中有此十二年運生天氣以下生上雖曰相生然子居母上故為小逆而主微病也運尅司天者謂中運尅司天也如乙巳乙亥金尅木也丙子丙午丙寅丙申水尅火也丁丑丁未木尅土也癸卯癸酉火尅金也甲辰甲戌土尅水也六十年中有此十二年運尅天氣以

指掌圖



定初之氣位頭節紋定二之氣位中指上頭定三之氣位即司天之位也第四指頭節紋定四之氣位二節紋定五之氣位中指根紋定六之氣位即在泉之位也主氣以木火土金水也五氣順布之五位也故初之氣厥陰風木二之氣少陰君火三之氣少陽相火四之氣太陰濕土五之氣陽明燥金六之氣太陽寒水是木生火火生土土生金金生水水復生木順布相生之序一定不易者也客氣以一二三名之者二

陰三陽六氣加臨也故厥陰爲一陰少陰爲二陰太陰爲三陰少陽爲一陽陽明爲二陽太陽爲三陽是一生二二生三三復生一陰極生陽陽極生陰六步升降之次每歲排取也以此定位主氣客氣瞭然在握矣

天符太乙天符歲會同天符同歲會歌

天符之圖



天符者中運與司天相符也如丁年木運上見厥陰風木司天即丁巳之類共十二年
太乙天符者如戊午年以火運火支又見少陰君火司天三合爲治也共四年

歲會之圖



歲會者中運與年支同其氣化也如木運臨卯火運臨午之類共八年

圖會歲同符天同



同天符同歲會者中運與在泉合其氣化也陽年曰司天符陰年曰同歲會如甲辰年陽土運而太陰在泉則爲同天符癸卯年陰火運而少陰在泉則爲同歲會共十二年

天符中運同天氣歲會本運臨本支四正四維皆歲會太乙天符符會俱同天符與同歲會泉同中運即同司陰歲名曰同歲會陽年同天符所知〔註〕天符者謂中運與司天之氣同一氣也如木運木司天丁巳丁亥也火運火司天戊子戊午戊寅戊申也土運土司天己丑己未也金運金司天乙卯乙酉也水運水司天丙辰丙戌也共十二年歲會者謂本運臨本支之位也如木運臨卯丁卯年也火運臨午戊午年也金運臨酉乙酉年也水運臨子丙子年也此是四正土運臨四季甲辰甲戌己丑己未也此是四維共八年太乙天符者謂天符之年又是歲會是天氣運氣歲支三者俱會也如己丑己未中運之土與司天土同氣又土運臨丑未也乙酉中運之金與司天金同氣又金運臨酉也戊午中運之火與司天火同氣又火運臨午也共四年同天符同歲會者謂在泉之氣與中運之氣同一氣也以陽年名曰同天符如木運木在泉壬寅壬申也土運土在泉甲辰甲戌也金運金在泉庚子庚午也以陰年名曰同歲會如水運水在泉辛丑辛未也火運火在泉癸卯癸酉癸巳癸亥也共十二年此氣運符會之不同人不可不知也右天符十二年太乙天符四年歲會八年同天符六年同歲會六年然太乙天符四年已同在天符十二年中矣歲會八年亦有四年同在天符中矣合而言之六十年中只得二十八年也

執法行令貴人歌

天符執法犯司天歲會行令犯在泉太乙貴人犯天地速危徐持暴死占二火相臨雖相得然有君臣順逆嫌順則病遠其害小逆則病近害速纏【註】邪之中人在天符之年名曰中執法是犯司天天氣天陽也陽性速故其病速而危也邪之中人在歲會之年名曰中行令是犯在泉地氣地陰也陰性徐故其病徐而持也邪之中人在太乙天符之年名曰中貴人是犯司天在泉之氣天地之氣俱犯故其病暴而死也二火君火相火也雖同氣相得然有君臣順逆之嫌不可不知也君火君也相火臣也二火相臨謂司天加臨中運六步客主加臨君火在上相火在下為君臨臣則順順則病遠其害小也相火在上君火在下為臣犯君則逆逆則病近其害速也

南北二政脈不應歌

天地之氣行南北甲己一運南政年其餘四運俱為北少陰隨在不應占北政反診候不應姑存經義待賢參從違非失分微甚尺反陰陽交命難【註】天地之氣謂三陰三陽司天在泉左間右間之客氣也客氣行南政之歲謂之南政行北政之歲謂之北政南政之歲惟甲己一運其餘乙庚丙辛丁壬戊癸四運俱為北政之年也少陰隨在不應占者謂少陰君火客氣隨在司天在泉左間右間加臨之位主占其脈不應於診也應於診者即經曰少陰之至其脈鉤不應者謂脈不鉤也南政之年少陰司天則主占兩寸不應在泉則主占兩尺不應厥陰司天其天左間則少陰主占右寸不應太陰司天其天右間則少陰主占左寸不應厥陰在泉其泉左間則少陰主占左尺不應太陰在泉其泉右間則少陰主占右尺不應此皆在客氣少陰之位也北政之年則反診候其不應皆在客氣陽明之位如少陰司天則主占兩尺不應在泉則主占兩寸不應厥陰司天其天左間則少陰主占左尺不應太陰司天其天

南北政圖



